



GUÍA ETSE ESTUDANTES

(Actualizada Setembro 2020)

Versión en pdf dispoñible en usc.es/etse/calidade

Rúa Lope Gómez de Marzoa s/n, Campus Vida
15782 Santiago de Compostela

Conserxería

Tel: 8818 16700; Fax: 8818 16702
etse.conserxeria@usc.es

Administración

Tel: 8818 16701; Fax: 8818 16702
etse.secredireccion@usc.es

usc.es/etse

[@etse_usc](https://twitter.com/etse_usc)



Patrón do Centro

(Natalicio de Leonardo da Vinci, 15 de Abril de 1452)

Venres 16 de abril de 2021

Acto Oficial: Xoves 15 de abril ás 12:00

Historia da ETSE

A **Escola Técnica Superior de Enxeñaría (ETSE)** da Universidade de Santiago de Compostela (USC) tivo o seu primeiro xermolo en outubro de 1994 co inicio da titulación de Enxeñaría Química. No ano 2000ponse en marcha a titulación propia de Graduado/a Superior en Enxeñaría Ambiental e no ano 2001 a titulación propia de Graduado/a Superior en Tecnoloxías da Información e as Comunicacións.

Fisicamente, as obras da Escola comezan en febreiro de 1999 e rematan catro anos mais tarde, inaugurándose oficialmente o edificio o **18 de abril de 2005**. En Outubro de 2006 ábreanse as novas aulas de informática no edificio do Monte da Condesa.

Outras datas salientábeis na historia da ETSE son as seguintes:

- Curso 2003-2004: inicio da Enxeñaría Técnica en Informática de Sistemas
- Curso 2007-2008: o título de Graduado/a Superior en Enxeñaría Ambiental transfórmase no **M.U. en Enxeñaría Ambiental**
- Curso 2009-2010: inicio do **Grao en Enxeñaría Informática**
- Curso 2010-2011: inicio do **Grao en Enxeñaría Química**, do M.U. en Computación de Altas Prestacións e do M.U. en Enxeñaría de Procesos Químicos e Ambientais
- Curso 2011-2012: inicio do M.U. en Tecnoloxías da Información
- Curso 2013-2014: inicio do **M.U. en Enxeñaría Química e Bioprosos** como transformación do anterior M.U. en Enxeñaría de Procesos Químicos e Ambientais
- Curso 2015-2016: inicio do **M.IU. en Tecnoloxías de Análise de Datos Masivos: Big Data** e implantación da **Dobre titulación Grao en Enxeñaría Informática e Grao en Matemáticas**
- Curso 2018-2019: inicio do **M.IU. en Computación de Altas Prestación** e do M.IU. en Xeoinformática
- Curso 2020-2021: inicio do **M.IU. en Visión por Computador**

* En letra grosa os títulos que actualmente se imparten na ETSE; M.U.: Máster Universitario; M.IU.: Máster Interuniversitario

Equipo de Dirección

Directora

Julia González Álvarez (Tel: 8818 16736; etse.direccion@usc.es)

Subdirector

David E. Losada Carril (Tel: 8818 16733; etse.subdireccion@usc.es)

Secretario Académico

Óscar Rodríguez Figueiras (Tel: 8818 16734; etse.secretario@usc.es)

Coordinadores/as de Titulaciones de Grao

Grao en Enxeñaría Informática

Juan C. Pichel Campos (Tel: 8818 16437; etse.ei@usc.es)

Grao en Enxeñaría Química

Anuska Mosquera Corral (Tel: 8818 16779; etse.eq@usc.es)

Coordinadores/as de Titulaciones de Máster

Máster en Enxeñaría Ambiental

Francisco Omil Prieto (Tel: 8818 16805; francisco.omil@usc.es)

Máster en Enxeñaría Química e Bioprocesos

Héctor Rodríguez Martínez (Tel: 8818 16804; etse.meq_bio@usc.es)

Máster en Tecnoloxías de Análise Masivo de Datos: Big Data

Manuel Mucientes Molina (Tel: 8818 16434; etse.bigdata@usc.es)

Máster en Computación de Altas Prestacións

José Carlos Cabaleiro Domínguez (Tel: 8818 16421; jc.cabaleiro@usc.es)

Máster en Visión por Computador

Xosé Manuel Pardo López (Tel: 8818 16438; xose.pardo@usc.es)

Persoal de Administración e Servizos

Unidade de Apoio á Xestión

Responsable: María del Carmen Palacios Oubiña

Tel: 8818 16780; etse.xestora@usc.es

María Jesús Chaín Anllo (Dirección ETSE)

Tel: 8818 16701; etse.secredireccion@usc.es

Ana Rodríguez Otero (Departamento de Electrónica e Computación)

Tel: 8818 16717; elsec@usc.es

María Rosario Nores Portela (Departamento de Enxeñaría Química)

Tel: 8818 16730; eqsec@usc.es

Conserxería (Tel: 8818 16700; etse.conserxeria@usc.es)

Alejandro Martís Diéguez

Jesús Sánchez Lojo

Manuel Ramón Barreiro Martínez

Asuntos Económicos (Tel: 8818 16737; etse.asuntos.economicos@usc.es)

Responsable: Mercedes Varela Señaris

José Fernando López Díaz

Biblioteca (Tel: 8818 16706; etse.bib@usc.es)


Directora: María Gracia Frutos Martínez

Cristina Villar Lemos

Rosa María Babarro Carpente

María Figueirido Rivas

Instalacións



Edificios: Docencia (DOC) [1], Enxeñaría Química (EQ) [2], Monte da Condesa-Enxeñaría Informática (MdCEI) [3]

Aulas de Teoría: 8 aulas situadas nos andares -3 (1), -2 (3) e -1 (4) do edificio DOC; 4 para grupos grandes (105-135 postos) e 4 para grupos medianos (40-55 postos); todas equipadas con ordenador e equipo de proxección

Aula de Proxectos: situada no andar -1 do Edificio EQ; dispón de 50 postos multifuncionais; equipada con ordenador, equipo de proxección e sistema de vídeoconferencia

Aulas de Informática: 8 aulas situadas no andar 0 do edificio DOC (2), no andar 0 do edificio EQ (2) e no edificio MdCEI (4); todas dotadas con ata 25 postos con ordenador; equipadas con ordenador e equipo de proxección

Laboratorios Docentes: 5 laboratorios situados no andar 0 do edificio EQ; dotados con 20 postos para prácticas

Planta Piloto: situada nos andares -2 e -1 do edificio EQ; dotada con 60 postos para prácticas e investigación

Aulas de Traballo: 2 aulas de traballo situadas no andar -1 do edificio DOC e no andar -1 do edificio EQ; 15 postos dispoñibles para a realización de titorías ou reunións de traballo; equipadas con conexión a rede eléctrica e rede wifi

Zonas de Traballo de Acceso Libre: dous espazos de 30 postos situados no andar -2 do edificio DOC e no andar -1 do edificio EQ; equipadas con conexión a rede eléctrica e rede wifi; a disposición do alumnado da ETSE para facilitar o traballo en grupo

Servizos e Infraestruturas: Biblioteca (174 postos; andar 1 do edificio DOC), Comedor-Cafetería (90 postos; andar -2 do edificio DOC), Salón de actos (182 postos; andar -3 do edificio DOC), Delegación de estudantes (30 postos; andar 0 do edificio DOC)

Biblioteca da ETSE

A Biblioteca da Escola Técnica Superior de Enxeñaría (BETSE), cun espazo total de 600 m², ten 174 postos de lectura distribuídos en dous andares, unha Sala de Traballo en Grupo con capacidade para 8 persoas, e 4 postos informatizados para consulta dos recursos electrónicos da BUSC. Ten un fondo formado por 9939 volumes de libros e 90 títulos de revistas en curso de subscrición (80 delas dispoñibles en formato electrónico).

Os libros están en acceso libre. No primeiro andar, os libros para estudantes e os últimos números das revistas en papel. No segundo andar, os libros de investigación e o depósito de revistas.

Toda a información de interese da biblioteca atópase en usc.es/gl/servizos/biblioteca. A BETSE ten tamén páxina en Facebook (facebook.com/biblioteca.etsc).

Activar Tarxeta de Biblioteca no mostrador de información da Biblioteca

Para utilizar a meirande parte dos servizos que oferta a Biblioteca débese dar de alta a **Tarxeta Universitaria de Identificación (TUI)** como Tarxeta de Biblioteca. Se non se dispón da TUI, pódese solicitar unha tarxeta provisional na biblioteca que se deberá substituír posteriormente pola TUI.



Servizos:

- ✓ **Préstamo de Portátiles:** 4 ordenadores portátiles para o seu uso en sala (consultar en mostrador de BETSE)
- ✓ **Préstamo de Libros a Domicilio:** Hai dous tipos de consulta: “Préstamo curto”: máximo de 3 exemplares durante 10 días. “Prestable”: ata 5 exemplares durante 15 días. Os préstamos poden renovarse ata 2 veces, sempre que non estean reservados por outras persoas.

- ✓ **Préstamo de Libros Intercentros:** Dende o mostrador da BETSE pódense solicitar libros doutras bibliotecas da BUSC, sempre que o tipo de consulta sexa “Prestable”.
- ✓ **PRELO:** Plataforma de préstamo de libros electrónicos online (prelo.usc.es).
- ✓ **Repositorio Institucional MINERVA:** Creado para albergar, difundir e preservar os documentos dixitais resultantes das actividades de investigación e docencia da USC (minerva.usc.es).
- ✓ **Novidades no Catálogo:** Pinterest (pinterest.com/buscetse).
- ✓ **Taquillas:** Para poder deixar as túas pertenzas si te ausentas da Biblioteca. Consulta no mostrador.

A BETSE participa na Olimpíada Solidaria de Estudo para proxectos solidarios.

Estudantes na ETSE

No curso 2019-2020 matriculáronse na ETSE 666 estudantes de Grao e 111 estudantes de Máster (72% homes e 28% mulleres).

Graos	Homes	Mulleres	Total
Enxeñaría Informática	279	43	322
Enxeñaría Química	180	125	305
Dobre Enxeñaría Informática e Matemáticas	27	12	39
Másteres	Homes	Mulleres	Total
Enxeñaría Ambiental	21	21	42
Enxeñaría Química e Bioprocesos	23	17	40
Tecnoloxías de Análise de Datos Masivos: Big Data	13	2	15
Computación de Altas Prestacions	12	2	14

A **Delegación de estudantes** está constituída polos/as delegados/as e subdelegados/as de cada curso e por representantes do alumnado en Xunta de Escola. Conta cun local situado na planta 0 do edificio DOC (Tel: 8818 16722).

Actualmente existen rexistradas con sede na ETSE as seguintes Asociacións de estudantes: ISA-USC (International Society of Automation, sección USC, (isa-usc.org), Enxeñaría sen fronteiras (galicia.isf.es), GEISER (Grupo de Enxeñaría Informática de Santiago para a Experimentación e Reutilización, asociaciongeiser.org).

Representación do Alumnado nos Órganos de Goberno

O órgano de goberno principal da Escola é a Xunta de Escola na que o alumnado conta con unha **representación do 32%** (20% de grao, 6% máster e 6% doutoramento). Esta representación renovase cada ano.

Participar nos órganos de goberno é a forma de defender os teus intereses

comisión de calidade, comisión de seguridade, comisión de normalización lingüística) nas que se tratan temas máis específicos.

O alumnado que forma parte da Xunta de Escola pode asemade formar parte das diferentes comisións delegadas (comisión permanente, comisións de título,

Mellora Continua e Xestión da Calidade

Unha das características máis salientables da ETSE é o seu compromiso coa cultura da mellora continua. Para a consecución deste obxectivo é determinante que cada membro da Comunidade ETSE sexa co-responsable e considere como propio, cada quen cos seus dereitos e deberes, o obxectivo da excelencia.

A información pública é un dos elementos esenciais de todo sistema de calidade. Na páxina web está dispoñible toda a información relacionada con este tema (planos estratéxicos, planes de mellora das titulacións, informes de seguimento da ACSUG, accións de mellora, etc.).

usc.es/etse/calidade



PROGRAMA FIDES - AUDIT

A Agencia para a Calidade do Sistema Universitario de Galicia (ACSUG), certifica que o Sistema de Garantía de Calidade do centro:

ESCOLA TÉCNICA SUPERIOR DE ENXEÑARÍA

(CAMPUS DE SANTIAGO DE COMPOSTELA)

**UNIVERSIDADE DE SANTIAGO DE
COMPOSTELA**

Está implantado conforme ás directrices establecidas no Programa FIDES - AUDIT.



Data de emisión: 22/07/2016

Data de revisión: 22/07/2019

Validez ata: 22/07/2022

José Eduardo López Pereira
Director da ACSUG



Autoría de Trabajo Prácticos

O plaxio de traballos resulta **eticamente inaceptable e academicamente rexeitable**. A copia de traballos, sen referencia ás fontes, terá unha consideración similar a copiar nun exame.



O/a profesor/a que detecte de forma fiable que un/unha estudante copiou un traballo, que presenta como propio, cualificará con suspenso ao/á estudante nesa materia nesa oportunidade e enviará **notificación deste feito á Comisión do Título** que, en caso que detecte reincidencia, deberá notificalo á Dirección da Escola para os efectos oportunos. Isto poderá levar consigo a apertura dun **expediente informativo e/ou sancionador**.

Organización Docente

[Programación e Avaliación, Materias impartidas en inglés, Cambio de Grupo de Prácticas]

Ao comezo do curso o profesorado presenta o programa de cada materia onde se contemplan datos tales como obxectivos, contidos, bibliografía, metodoloxía do ensino, sistema de avaliación e recomendacións para o estudo da materia. Esta información está dispoñible tamén na páxina web da ETSE e da USC.

É moi importante decatarse do sistema de avaliación de cada materia, porque aínda que existen unhas datas oficiais de exames, hai materias establecen un **proceso de avaliación continua** que implica traballar de xeito continuado dende o comezo do curso.

Materias impartidas en inglés

Para a titulación de Grao en Enxeñaría Química e o Máster en Enxeñaría Ambiental hai unha serie de materias nas que se oferta a posibilidade de cursalas en inglés. Para iso é preciso seleccionar na Secretaría Virtual, no momento de realizar a matrícula, a opción de inglés. **De non realizalo no momento da matrícula, é posible facelo mentres esté aberto o prazo de modificación de matrícula.**

Cambios de Grupos de Prácticas

Atención aos prazos de Cambio de Grupo de Prácticas (primeira semana do cuadrimestre)

Corresponderá á Dirección do centro a distribución do alumnado nos diferentes grupos de prácticas. Dita distribución farase por orde alfabética de apelidos e publicárase antes do comezo das clases. Ao comezo de cada cuadrimestre ábrese unha convocatoria para a solicitude de cambio de grupo.

Normativa de Permanencia da USC

O alumnado que inicie estudos nunha titulación debe **superar como mínimo unha materia obrigatoria de primeiro.**

- De non facelo, no curso seguinte deberá superar un mínimo de 30 créditos obrigatorios do primeiro curso para matrícula a tempo completo ou 15 créditos para matrícula a tempo parcial.
- De non facelo, non poderá continuar os mesmos estudos na USC nos cinco cursos académicos seguintes.

O alumnado dispón, para superar unha materia, de **catro** convocatorias nos Graos ou **dúas** convocatorias nos Másteres.

Cada curso computa unha convocatoria

A convocatoria enténdese esgotada tanto se a cualificación é suspenso como non presentado (para obter a cualificación de non presentado o/a estudante

non debe realizar ningunha actividade avaliábel conforme o establecido na programación de cada materia).

Na cuarta convocatoria de materias de Grao o alumnado poderá solicitar ser **cualificado por un tribunal**, sempre que concorrese ás tres convocatorias anteriores. O alumnado que **esgotase as convocatorias** previstas para cada materia, poderá solicitar, por unha soa vez, a dispensa do dito límite atendendo a razóns académicas ou persoais especiais. As peticións poderán ser resoltas favorablemente polo reitor con base nas razóns alegadas polo/a interesado/a.

O alumnado que continúe estudos debe matricularse de todas as materias pendentes (suspensas e non presentadas) dos cursos anteriores, ata un máximo de 75 créditos (neste máximo non computan os créditos relativos ao traballo fin de grao). Exclúense as optativas, xa que o alumnado pode cambiar de optativas dun curso a outro. Non se pode matricular do último curso con materias pendentes de primeiro. Poderán matricularse do TFG ou TFM cando lle resten para concluír os estudos 75 créditos ou menos, sen contar os créditos dos citados traballos.

Admitirase unha **renuncia sen causa** por cada materia, o que suporía que non se consumiría esa convocatoria. A renuncia debe solicitarse nos períodos establecidos na convocatoria de matrícula. Tamén se pode solicitar a **renuncia ao TFG/TFM** cando non se cumpran os requisitos para poder defendelo. Ademais, poderán solicitarse, en calquera momento, **renuncias por causas xustificadas** cuxa concesión resolverá o Reitor.

Aula Profesional



Oferta de cursos, seminarios e talleres recoñecidos previamente como interesantes e complementarios da formación enxeñeril ofertada para todo o alumnado da ETSE (conferencias, visitas técnicas, talleres profesionais, habilidades persoais, etc.). Supón un complemento formativo aos estudos de Grao e Máster (competencias transversais) de grande valor cara a inserción laboral.

Especificamente, no Grao en Enxeñaría Química figura como materia obrigatoria (materia Aula Profesional, código G4021425) que se pode cursar ben mediante estes cursos ou ben mediante prácticas en empresas.

Información: charla xeral en setembro-outubro e actualizacións e avisos nos medios da ETSE (web, twitter, pantallas, taboleiros, etc.).

O alumnado interesado en cursar esta materia poderá comezar a realizar as actividades propostas sen necesidade de estar matriculados. No momento en que se matriculen se computarán as horas xa realizadas e so deberán completar as que lles resten para completar a materia (o total son 150 horas).

Actividades recoñecibles como Competencias Transversais

O alumnado poderá obter recoñecemento académico ata 6 créditos pola participación en actividades culturais, deportivas, de representación estudantil, solidarias e de cooperación. A inscrición realizarase a través de Secretaria Virtual do alumnado.

Todas as propostas de actividades recoñecidas ou en trámite de recoñecemento, tanto da ETSE como doutros Centros poden consultarse en www.usc.gal/es/servizos/oiu/cuac.html (consultar en cada actividade as titulacións nas que se poden imputar os créditos).

Prácticas en Empresas

Na titulación de Grao en Enxeñaría Informática existe unha materia optativa denominada Prácticas Externas. Aquel alumnado interesado en realizala deberá participar na convocatoria que se realiza cada curso académico e unha vez se lle asigne unha praza deberá realizar a matrícula.

Na titulación de Grao en Enxeñaría Química existe unha materia obrigatoria denominada Aula Profesional con dúas opcións: seminarios e prácticas en empresa. O alumnado ten que optar por unha delas e realizar a matrícula co resto das materias. No caso de optar pola realización de prácticas en empresas deberán logo participar na convocatoria que se publica cada curso académico. En todo caso, recoméndase sempre seguir a oferta formativa da Aula Profesional para completar as competencias formativas.

A estada do alumnado da USC en Empresas ou Institucións formalizaranse a través do Programa de Prácticas en Empresas da ETSE (Graos).

**Convocatoria Graos:
Decembro-Xaneiro**

Anualmente prográmase unha sesión informativa onde se informa dos prazos das convocatorias, procedementos, etc. Toda a información se xestiona a través da Oficina de Prácticas en Empresas (despacho D1.5) e da Xestora do Centro (despacho de administración). No caso de másteres, consultar co coordinador de Máster.

Oficina de Prácticas en Empresas

Iria García (Tel: 8818 16781, etse.empresas@usc.es)

Traballos Fin de Grao e Traballos Fin de Máster

O Traballo Fin de Grao (TFG) e o Traballo Fin de Máster (TFM) supoñen o paso final de cada unha das etapas de estudos. A información sobre o seu desenvolvemento figura nas páxinas dos títulos, accesibles dende a páxina Web principal do centro (www.usc.es/etse). As peculiaridades de cada título pódense atopar na correspondente páxina Web.

É posible realizar os TFG e TFM en colaboración con empresas e institucións. Para iso é preciso que, unha vez aprobada a proposta de TFG ou TFM pola comisión correspondente, se formalice un convenio coa empresa ou

institución. Deberá consultarse na Administración da ETSE se existe convenio e, de non ser así, deberán realizarse os trámites para a súa sinatura.

Os calendarios de defensa para os diferentes títulos poden consultarse na páxina Web da ETSE. As solicitudes de defensa presentaranse no prazo establecido **a través da Secretaría Virtual onde se subirá(n) o(s) ficheiro(s) en pdf do TFG/TFM**. O resgardo da solicitude, xunto co exemplar en formato dixital e/ou formato impreso(s), se así o indica a convocatoria, deberá ser entregado, dentro do prazo fixado, na Administración da ETSE.

Intercambio Académico

A ETSE anima ao seu alumnado a participar nos programas de intercambio Erasmus+, SICUE ou de Convenios Bilaterais con universidades europeas, españolas ou do resto do mundo. O intercambio académico é unha das experiencias máis valoradas polas empresas na selección dos/as titulados/as. Os programas de intercambio constitúen unha ocasión inmejorable para abrirse ao mundo real e, sobre todo, para que o alumnado se coñeza a si mesmo e aprenda a desenvolverse en distintos ambientes. Anualmente prográmase unha sesión informativa (novembro/dembro) onde se indican as prazas e destinos dispoñibles.

Responsable de Mobilidade

David E. Losada Carril (Tel: 8818 16733; etse.subdireccion@usc.es)

Secretaría Virtual

Na **Secretaría Virtual** atópase a información de xestión académica. Nela realízanse os trámites administrativos relacionados coa matrícula. Accesible dende o Perfil de Estudantes no enderezo sec-virtual.usc.es/Secretaria/Login.asp. É importante ter ó día os datos de contacto que alí figuran (principalmente teléfono e correo-e), xa que se utilizan para enviar información moi útil como datas de inicio de cursos, SMS coas cualificacións e outros avisos. Se cambia algún deses datos débense modificar na Secretaría Virtual.



A administración da ETSE só xestiona, tanto de entrada coma de saída, comunicacións mediante **correo electrónico dos enderezos oficiais** proporcionados pola USC (**nome.apelido@rai.usc.es**)

Campus Virtual e outras Ferramentas

A USC dispón dun **Campus Virtual**, plataforma Web de apoio á docencia. Pódese acceder co mesmo nome de usuario e contrasinal de RAI no enderezo cv.usc.es onde se indican as e-aulas das materias que utilicen esta ferramenta. Para solucionar **calquera problema de acceso, débese encher o formulario de consultas** dispoñible en usc.es/ceta.

Campus Virtual da USC



As materias usan o Campus Virtual para a xestión diaria das actividades docentes

Todo o alumnado e profesorado da USC está ademais dado de alta nas ferramentas Office 365 de Microsoft. Utilizando as credenciais de RAI e visitando nube.usc.gal, podedes ver o conxunto de aplicacións dispoñibles. Por exemplo, Microsoft Teams permite a realización de clases e titorías virtuais. Podedes ademais instalar a aplicación cliente Microsoft Teams nos vosos equipos. O alumnado conta co apoio do [Centro de Atención a Usuarios/as](#) para resolver dúbidas relacionadas coa instalación de programas nos seus propios equipos ou xestión das súas contas de usuario/a.

Enquisas de Opinión

Dende a Comisión de Calidade da ETSE realízanse diversas enquisas para coñecer o estado de opinión de diferentes colectivos do centro. Os resultados obtidos nesas enquisas son analizados polas diversas Comisións do Centro co obxectivo de deseñar accións de mellora para os procesos de ensinanza e aprendizaxe. A participación ampla dos diferentes

A túa opinión é importante

colectivos, especialmente dos/as estudantes, é fundamental para a validez dos resultados das enquisas. Enquisas ETSE actuais para estudantes:

- Estudantes de Nova Incorporación (comezo de primeiro curso): O obxectivo é coñecer mellor ao alumnado que se incorpora no primeiro curso das titulacións de Grao.
- Carga de Traballo (en tódolos cursos ao remate de cada cuadrimestre): O obxectivo é analizar a carga de traballo das materias que forman a titulación e verificar si está de acordo ao planificado nas Memorias das Titulacións.
- Avaliación de Competencias (ao remate da titulación): O obxectivo é analizar si a formación obtida polo noso alumnado se axusta á demanda empresarial do sector.

Suxestións, Queixas e Reclamacións

Poderán presentarse suxestións, queixas e reclamacións no Centro a través de tres vías:

- Caixa de suxestións, queixas e reclamacións (No vestíbulo ao carón da cafetería; Pódense utilizar os formularios que están dispoñibles na Conserxería)
- Escritos dirixidos ao correo electrónico etse.secredireccion@usc.es
- Solicitudes presentadas por escrito na Administración do Centro

Outros Servizos

A información completa sobre os servizos que oferta a USC atopase na paxina Web usc.es/gl/servizos.

Aulas de Informática (usc.es/etse/aulasinformatica)

No momento de facer a matrícula entrégase un código de usuario (nome.apellido) e un contrasinal cos que se pode acceder a calquera ordenador das aulas da USC pertencentes á Rede de Aulas de Informática (RAI, usc.es/rai).

É importante probar o código de usuario e o contrasinal na rede RAI e no Campus Virtual, nas Aulas de Informática, pois é **IMPRESINDIBLE** para comezar as prácticas de moitas materias

Coa matrícula facilítase unha **caixa de correo electrónico oficial** (nome.apellido@rai.usc.es). Segundo a Normativa sobre o uso das TIC da USC, os enderezos electrónicos creados serán os únicos recoñecidos pola USC para o envío de correo electrónico á comunidade universitaria. O acceso á caixa de correo realizase no enderezo nube.usc.gal (seleccionando Outlook) e toda a información relativa ao seu uso está dispoñible en usc.es/rai.



The image shows a web browser window displaying the login page for the USC centralized identification service. The page title is 'Servizo de identificación centralizado da USC' and the subtitle is 'Área de Tecnoloxías da Información e a Comunicación (ATIC)'. The main heading is 'Identificación de usuarios/as'. Below this, there is a text box for 'Nome de usuario/a:' with a placeholder 'nome.apellido@usc.es' and a text box for 'Clave de acceso:'. There is a checkbox for 'Avísame antes de abrir unha sesión noutras aplicacións.' and a 'Identificarse' button. At the bottom, there is a small link: 'Para calquera dúbida ou cuestión contáctese co Centro de Atención á Usuario/a'.

- **Empréstamo de Discos Duros Externos:** O centro dispón de discos duros externos para prestar ao alumnado. No mes de setembro ábrese o prazo para solicitalos (en Conserxería). Entregarase o disco previo pago dunha fianza de 10€ que se recuperará unha vez que se devolva no mes de xullo.
- **Empréstamo de Portátiles:** O centro dispón de portátiles para prestar ao alumnado co obxectivo de resolver pequenas necesidades de infraestrutura informática. Solicítanse en Conserxería e a devolución debe realizarse o mesmo día da recollida.

Se xurde algunha **incidencia nas Aulas de Informática** debe notificarse á Administración da ETSE (etse.securedireccion@usc.es)

Servizo de Reprografía

O servizo de reprografía, edición e impresión dixital da USC realízase a través do Campus na Nube (campusnanube.com). O terminal de autoservicio de impresión da ETSE está na zona de traballo do andar -1 do Edificio de Enxeñaría Química.

Comedor-Cafetaría: Situado no andar -2 do edificio de docencia ofrece servizo de comedor.

Taquillas: O centro dispón de taquillas situadas no andar -1 do edificio de enxeñaría química. No mes de setembro ábrese o prazo para solicitalos (en Conserxería). Entregarase a chave previo pago dunha fianza de 10€ que se recuperará unha vez que se devolva a chave no mes de xullo.

Seguridade e Saúde

En todos os espazos docentes e comúns hai carteis informativos de como actuar en caso de emerxencia. **Non se pode acceder ás zonas marcadas como de acceso restrinxido.**

Dereitos do alumnado nas materias con prácticas de laboratorio:

- Reclamar as fichas REACH de todas as substancias nos laboratorios de prácticas, no caso de que non fose facilitada previamente polo profesorado.
- Coñecer a información de Avaliación de Riscos dos laboratorios de prácticas e recibir a información suficiente sobre a seguridade nos laboratorios.
- Coñecer o Plan de Autoprotección

O profesor/a de cada grupo docente debe entregar na Administración da Escola a **notificación de recibo para docentes e estudantes en laboratorios de prácticas e de investigación.**

Emerxencias

Emerxencia Parcial

Pitada descontinua; Evacuación da zona afectada

Emerxencia Xeral

Pitada continua; Evacuación de todo o edificio



En Caso de Evacuación

Non actúe pola súa conta, siga as instrucións do profesorado ou dos equipos de emerxencia; Non se deteña a recoller as súas pertenzas; Siga a sinalización de evacuación; Non corra nin retroceda; Non use o ascensor; Axude a quen o necesite; En presenza de fume ande a gatas e use un trapo humedecido como máscara; Se lle prende a roupa non corra, rode polo chan; Diríxase o punto de encontro exterior (detrás da cafetería).


Medios de Información

O centro dispón de **pantallas informativas** a través das cales se distribúe información de interese (bolsas, emprego, xornadas, conferencias, etc.). Outros medios de información son os **taboleiros**. No situado na entrada do centro, colócanse os horarios das clases e dos exames. Na planta 0, fronte á biblioteca, atópanse os taboleiros para a colocación das cualificacións e para información referente á ETSE e á USC.



Na **páxina Web do centro** www.usc.es/etse e no **twitter** [@etse_usc](https://twitter.com/etse_usc) pódese atopar información sobre novidades, impresos, normativas, programas de mobilidade, prácticas en empresas, horarios de clases, exames, etc.

**Taboleiro de Cualificacións:
Planta 0 (frente a Biblioteca)**



Misión, Visión e Valores (Plano Estratéxico da ETSE 2014-2020)

No ano 2009, a Xunta de Escola da ETSE aprobaba unha definición da súa misión, a súa visión e os seus valores. Na actualidade seguen en plena vixencia con pequenas modificacións.

Misión

A ETSE ten como misión contribuir á formación integral, nun entorno estimulante, de innovación e de relacións humanas, de enxeñeiras e enxeñeiros excelentes profesionalmente, comprometidos co desenvolvemento da sociedade, baixo principios éticos, de solidariedade, de igualdade de xénero e de sustentabilidade.

A ETSE acolle grupos de investigación de referencia en enxeñaría e promove o desenvolvemento científico e tecnolóxico, potenciando actividades de investigación, de difusión da cultura tecnolóxica e de relacións con empresas, institucións e centros de investigación.

Visión

A ETSE quere ser recoñecida como un centro de prestixio en docencia e investigación, integrado no Espazo Europeo de Educación Superior, que presenta unha oferta formativa de calidade en grao e posgrao e que se preocupa pola inserción laboral dos seus titulados.

A Escola quere ser recoñecida por aplicar unha metodoloxía docente que integre bases teóricas e aplicacións prácticas -nos seus laboratorios e empresas colaboradoras- nun clima de traballo innovador, amable e eficaz, cun profesorado altamente cualificado que fomente o desenvolvemento de capacidades persoais e de aprendizaxe autónoma do seu alumnado. A Escola quere manter excelentes relacións con outros centros galegos, españois e internacionais, con colexios e asociacións profesionais, con empresas e institucións e, singularmente, cos seus titulados.

Valores

- Valores Éticos: Integridade, Cordialidade e Respeto mutuo, Compromiso coa Sociedade e co Medio Ambiente e Transparencia na Información.
- Valores Profesionais: Cultura da Calidade e Mellora continua, Iniciativa e Asunción de responsabilidades, Colaboración e Participación, Traballo en equipo e Innovación e Creatividade.

Nesta Guía atopara Información sobre...

- Equipo de Dirección
- Coordinadores de Titulacións (Graos e Másteres)
- Persoal de Administración e Servizos
- Instalacións (Edifícios, Aulas de Teoría, Aula de Proxectos, Aulas de Informática, Laboratorios Docentes, Planta Piloto, Aulas de Traballo, Zonas de Traballo de Acceso Libre, Servizos e Infraestructuras)
- Biblioteca da ETSE (Préstamo de Portátiles, Préstamo de Libros a Domicilio, Préstamo de Libros Intercentros, PRELO, Repositorio Institucional MINERVA, Novidades no Catálogo, Taquillas)
- Estudantes na ETSE
- Representantes do Alumnado nos Órganos de Goberno
- Mellora Continua e Xestión da Calidade
- Autoría de Traballos Prácticos
- Organización Docente (Programación e Avaliación, Materias impartidas en inglés, Cambio de Grupo de Prácticas)
- Normativa de Permanencia da USC
- Aula Profesional
- Actividades recoñecibles como Competencias Transversais
- Prácticas en Empresas (Oficina de Prácticas en Empresas)
- Traballos Fin de Grao e Traballos Fin de Máster
- Intercambio Académico (Responsable de Mobilidade)
- Secretaria Virtual
- Campus Virtual
- Outros Servizos (Aulas de Informática, Servizo de Reprografía, Comedor-Cafetería, Taquillas, Empréstamo de Discos Duros Externos, Empréstamo de Portátiles, URLs Interesantes de Servizos da USC)
- Seguridade e Saúde (Emerxencias, En Caso de Evacuación)
- Suxestións, Queixas e Reclamacións
- Enquisas de Opinión
- Medios de Información
- Misión, Visión a Valores (Plano Estratéxico da ETSE 2014-2020)

